

Komisija za izbor u istraživačko zvanje *viši stručni saradnik* za oblast moderne historije:

- Dr. Enes Omerović, naučni saradnik za modernu historiju Instituta za historiju Univerziteta u Sarajevu
- Dr. Dženita Rujanac, naučna saradnica za modernu historiju Instituta za historiju Univerziteta u Sarajevu
- Dr. Amir Duranović, docent na oblastima Uvod u historijsku nauku i pomoćne historijske discipline i Svjetska i bosanskohercegovačka historija novog vijeka i savremenog doba na Odsjeku za historiju Filozofskog fakulteta Univerziteta u Sarajevu

UNIVERZITET U SARAJEVU
INSTITUT ZA HISTORIJU
Broj: <u>0301-656/18</u>
Datum: <u>07.10.2018.</u>

VIJEĆU INSTITUTA ZA HISTORIJU UNIVERZITETA U SARAJEVU

PREDMET: Izvještaj Komisije za izbor u zvanje višeg stručnog saradnika za oblast moderne historije

Poštovani,

u prilogu Vam dostavljamo Izvještaj Komisije za izbor višeg stručnog saradnika za oblast moderne historije u Institutu za historiju Univerziteta u Sarajevu.

Sarajevo, 4. oktobar 2019. godine

UNIVERZITETU SARAJEVU

Institut za historiju

Komisija za izbor u istraživačko zvanje *viši stručni saradnik* za oblast moderne historije

VIJEĆU INSTITUTA ZA HISTORIJU UNIVERZITETA U SARAJEVU

Na osnovu člana 29. Zakona o naučnoistraživačkoj djelatnosti (*Službene novine Kantona Sarajevo*, broj 26/16) i člana 106. Statuta Univerziteta u Sarajevu, Vijeće Instituta za historiju Univerziteta u Sarajevu na 34. redovnoj sjednici, održanoj 11. septembra 2019. godine, donijelo je ODLUKU (broj: 01-01-572/19 od 11. septembra 2019. godine) o imenovanju Komisije za izbor u istraživačko zvanje *viši stručni saradnik* za oblast moderne historije u sljedećem sastavu:

1. Dr. Enes Omerović, naučni saradnik za modernu historiju u Institutu za historiju Univerziteta u Sarajevu (predsjednik),
2. Dr. Dženita Rujanac, naučna saradnica za modernu historiju u Institutu za historiju Univerziteta u Sarajevu (član),
3. Dr. Amir Duranović, docent na oblastima Uvod u historijsku nauku i pomoćne historijske discipline i Svjetska i bosanskohercegovačka historija novog vijeka i savremenog doba na Odsjeku za historiju Filozofskog fakulteta Univerziteta u Sarajevu (član),
4. Dr. Sonja Dujmović, naučna saradnica za modernu historiju u Institutu za historiju Univerziteta u Sarajevu (zamjenski član).

Komisija je primila POTVRDU (broj: 03-01-570/19 od 11. septembra 2019. godine) koju je potpisala dipl. iur. Fatima Išerić, sekretar Instituta za historiju Univerziteta u Sarajevu, kojom obavještava Komisiju da su se na oglas objavljen 26. augusta 2019. godine u listu „Dnevni list“ i na web-stranici Instituta za historiju Univerziteta u Sarajevu na poziciju br. 2 – **viši stručni saradnik** za oblast moderne historije – **1 izvršilac**, prijavila četiri (4) kandidata:

1. Ajdin Muhedinović,
2. Armin Džunuzović,
3. Saima Lojić-Duraković,
4. Dino Dupanović.

U spomenutoj POTVRDI sekretar Instituta za historiju Univerziteta u Sarajevu konstatuje da su sve četiri prijave blagovremene, potpune, svojeručno potpisane i usklađene s uvjetima utvrđenim konkursom. Nakon uvida u dostavljenu dokumentaciju Komisija podnosi Vijeću Instituta za historiju sljedeći:

IZVJEŠTAJ

1. Ajdin Muhedinović

Ajdin Muhedinović je uz prijavu na Konkurs dostavio Izvod iz matične knjige rođenih (ovjerena kopija), Uvjerenje o državljanstvu (ovjerena kopija), diploma o završenoj visokoj stručnoj spremi sa dodatkom diplomi/dokaz o prosjeku ocjena (ovjerena kopija), Uvjerenje o završenom drugom ciklusu studija (ovjerena kopija), Uvjerenje o prepisu ocjena/dokaz o prosjeku ocjena za drugi ciklus studija (ovjerena kopija), biografiju (CV), bibliografiju, kopije radova uz bibliografiju kao dokaz o naučnoistraživačkim sposobnostima, potpisanu kopiju Goethe C1 certifikata o poznavanju njemačkog jezika (kopiju nije bilo moguće ovjeriti bez prijevoda).

Na osnovu uvida u prijavu na konkurs Komisija je konstatovala da je Ajdin Muhedinović rođen 18. novembra 1994. godine u Baden-Badenu, Njemačka, i da je državljanin Bosne i Hercegovine. Prvi ciklus studija u trajanju od 6 semestara/tri godine završio je 21. septembra 2016. godine odbranom završnog rada „Bosanskohercegovački Sabor i Zemaljska vlada“ na Filozofskom fakultetu Univerziteta u Sarajevu, Odsjek za historiju, studijska grupa Historija. Tokom prvog ciklusa studija stekao je 180 ECTS bodova, ostvario prosječnu ocjenu 8,57 i njegovim okončanjem stekao akademsku titulu i stručno zvanje bakaleurat/bachelor historije (BA). Drugi ciklus studija u trajanju od 4 semestra/2 godine završio je 12. oktobra 2018. godine odbranom završnog magistarskog rada „Uloga SUBNOR-a u obilježavanju Narodnooslobodilačkog rata tokom 1970-ih godina“ na Filozofskom fakultetu Univerziteta u Sarajevu, Odsjek za historiju, studijska grupa Historija – nastavni smjer. Tokom drugog ciklusa

studija stekao je 120 ECTS bodova, ostvario prosječnu ocjenu 9,29 i njegovim okončanjem stekao akademsku titulu i stručno zvanje magistar historije – nastavni smjer. Aktivno govori njemački i engleski jezik.

U biografiji i bibliografiji kandidat navodi da je polje njegovog istraživačkog interesovanja moderna historija Bosne i Hercegovine, odnosno Drugi svjetski rat, kultura sjećanja i historija medija. Kao dokaz svojih naučnoistraživačkih sposobnosti navodi da je do sada objavio jedan (1) članak i četiri (4) prikaza (od toga jedan u štampi), te prilaže kopije navedenih radova.

Članci:

- „Ujedinjenje 1918. godine u djelu Pere Slijepčevića“, u: *Jugoslavija u historiografskim ogledalima*, (ur. Dubravka Stojanović), Sarajevo: UMHIS, 2018.

Prikazi:

- Iva Lučić, *In Namen der Nation. Der politische Aufwertungsprozess der Muslime im sozialistischen Jugoslawien (1956-1971)*. Uppsala: Acta Universitatis Upsaliensis, 2016, 335. str. u: *Radovi Filozofskog fakulteta u Sarajevu (Historija, Historija umjetnosti, Arheologija)*, br. 5. 2018.
- *Poplava, zemljostres, smog: Prilozi ekohistoriji Bosne i Hercegovine u 20. stoljeću* (zbornik radova). u: *Gračanički glasnik: časopis za kulturnu historiju*, br. 45. 2018.
- Amra Čusto, *Uloga spomenika u Sarajevu u izgradnji kolektivnog sjećanja na period 1941.–1945. i 1992.–1995.: komparativna analiza*. Institut za istoriju – Kantonalni zavod za zaštitu kulturno-historijskog i prirodnog naslijeđa, Sarajevo, 2013, 142 str. u: *Pro tempore*, br. 13. 2018.
- Zoran Janjetović, *Collaboration and Fascism under the Nedić regime*. Institut za noviju istoriju Srbije, Beograd, 2018, 565 str. u: *Behar: časopis za kulturu i društvena pitanja*, br. 148 (u štampi).

Pored navedenog, navodi i da je u periodu maj 2016. godine – decembar 2017. godine pohađao Balkan Youth School – program neformalnog obrazovanja Centra za napredne studije (CNS) u Sarajevu. Tokom 2017. i 2018. godine sudjelovao je u radu jedne studentske konferencije, jedne doktorske radionice i jedne ljetne škole.

Komisija je utvrdila da kandidat ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

2. Armin Džunuzović

Armin Džunuzović je uz prijavu na Konkurs dostavio Izvod iz matične knjige rođenih (original), Uvjerenje o državljanstvu (original), diplomu o završenoj odgovarajućoj visokoj stručnoj spremi sa dodatkom diplomi/dokaz o prosjeku ocjena (ovjerena kopija), diplomu o naučnom stepenu magistar sa dodatkom diplomi/dokaz o prosjeku ocjena (ovjerena kopija), biografiju (CV) i spisak objavljenih naučnih/stručnih radova iz oblasti za koju se vrši izbor.

Na osnovu uvida u prijavu na konkurs Komisija je konstatovala da je Armin Džunuzović rođen 9. jula 1993. godine u Prijepolju, Republika Srbija, i da je državljanin Bosne i Hercegovine. Prvi ciklus studija u trajanju od 6 semestara/tri godine završio je 21. septembra 2015. godine odbranom završnog rada „Odnosi četnika i partizana u Bosni i Hercegovini 1941. godine“ na Filozofskom fakultetu Univerziteta u Sarajevu, Odsjek za historiju, studijska grupa Historija. Tokom prvog ciklusa studija stekao je 180 ECTS bodova, ostvario prosječnu ocjenu 8,83 i njegovim okončanjem stekao akademsku titulu i stručno zvanje bakaleurat/bachelor historije (BA). Drugi ciklus studija u trajanju od 4 semestra/2 godine završio je 29. septembra 2017. godine odbranom završnog magistarskog rada „Položaj Muslimana u Bosni i Hercegovini tokom ustanka 1941. godine“ na Filozofskom fakultetu Univerziteta u Sarajevu, Odsjek za historiju, studijska grupa Historija – nastavni smjer. Tokom drugog ciklusa studija stekao je 120 ECTS bodova, ostvario prosječnu ocjenu 9,04 i njegovim okončanjem stekao akademsku titulu i stručno zvanje magistar historije – nastavni smjer. Aktivno govori engleski jezik, te posjeduje osnovni nivo znanja francuskog jezika.

Kao dokaz svojih naučnoistraživačkih sposobnosti kandidat navodi da je do sada objavio jedan (1) članak, ali nije priložio kopiju objavljenog rada.

Članci:

- „Alija Izetbegović i mladomuslimanski pokret“, u: *Zbornik radova/Studentska konferencija o Aliji Izetbegoviću „Bosna prije svega“*, Sarajevo, 22. oktobar 2016. Sarajevo: Muzej „Alija Izetbegović“ : Udruženje „Mladi muslimani“ : Fond „Bošnjaci, 2017.

Pored navedenog, sudjelovao je u radu dvije (2) studentske konferencije i jedne (1) stručne tribine.

Kandidat navodi i da se bavio volonterskim radom, da je održao jedno predavanje srednjoškolicima, učestvovao na jednoj promociji knjige. Učestvovao je na radionicama i seminarima vezanim za podučavanje historije, te posjeduje certifikat EUROCLIO e-pact za predavanje i podučavanje historije o događajima 1992-1995. godine. Član je organizacije EUROCLIO HIP BiH. Osvojio je prvo mjesto na međunarodnom takmičenju u organizaciji „Anne Frank house“ za kategoriju *Original lesson plan that deals with the history of past 60*

years in the region, sa projektom „Film kao državni projekat – stvaranje partizanskog mita“. Kao konsultant je osmislio i predvodio projekat „Arhiviranje i sređivanje dokumentacije i građe 1939-1999“ u Udruženju građana „Mladi muslimani“. Od maja 2019. godine radi kao pripravnik u JU Historijski arhiv Sarajevo, Odsjek za naučnoistraživačku, izdavačku, kulturno-obrazovnu i propagandnu djelatnost.

Komisija je utvrdila da kandidat ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

3. Saima Lojić-Duraković

Saima Lojić-Duraković je uz prijavu na Konkurs dostavila Izvod iz matične knjige rođenih (original), Uvjerenje o državljanstvu (original), diplomu o završenoj odgovarajućoj visokoj stručnoj spremi sa dodatkom diplomi (ovjerene kopije), Uvjerenje o završetku II ciklusa studija i stečenom zvanju magistra i prosjek ocjena (ovjerene kopije), biografiju (CV) i spisak objavljenih radova iz oblasti moderne historije i priloge (dokaz o učestvovanju na ljetnoj školi, zahvalnice za pomoć pri organizovanju skupova).

Na osnovu uvida u prijavu na Konkurs, Komisija je konstatovala da je Saima Lojić-Duraković rođena 17. juna 1995. godine u Cazinu, Bosna i Hercegovina, i da je državljanka Bosne i Hercegovine. Prvi ciklus studija u trajanju od 6 semestara/tri godine završila je 2. septembra 2016. godine odbranom završnog rada „Ženski pokret u Viktorijanskoj Engleskoj“ na Filozofskom fakultetu Univerziteta u Sarajevu, Odsjek za historiju, studijska grupa Historija. Tokom prvog ciklusa studija stekla je 180 ECTS bodova, ostvarila prosječnu ocjenu 8,16 i njegovim okončanjem stekla akademsku titulu i stručno zvanje Bakaleurat/Bachelor historije (BA). Drugi ciklus studija u trajanju od 4 semestra/2 godine završila je 12. oktobra 2018. godine odbranom završnog magistarskog rada „Bihać i okolina u Drugom svjetskom ratu prema izvještajima Komisije za ispitivanje zločina okupatora i njihovih pomagača“ na Filozofskom fakultetu Univerziteta u Sarajevu, Odsjek za historiju, studijska grupa Historija – nastavni smjer. Tokom drugog ciklusa studija stekla je 120 ECTS bodova, ostvarila prosječnu ocjenu 8,88 i njegovim okončanjem stekla akademsku titulu i stručno zvanje Magistar historije – nastavni smjer. Služi se engleskim jezikom, a poznaje osnove turskog jezika.

Kao dokaz svojih naučnoistraživačkih sposobnosti navodi da je do sada objavila dva (2) članka i sedam (7) prikaza (od toga jedan u štampi), ali nije priložila kopije objavljenih radova.

Članci:

- „Stvaranje Jugoslavije (1914-1918) u bosanskohercegovačkim udžbenicima historije“, u: *Jugoslavija u historiografskim ogledalima* (Zbornik radova), Sarajevo: UMHS, 2018, 145-153.
- „Europska unija od ideje do osnivanja“, *Časopis Pleter*, Split, 2018, 213-231.

Prikazi:

- Vera Kržišnik-Bukić, *Cazinska buna 1950*, Sarajevo: Svjetlost, 1991, 558 str. u: *Časopis Rostra*, Zadar, 2017, 8, str. 257-259.
- Zbornik radova *Kultura sjećanja: 1945. Povijesni lomovi i svladavanje prošlosti*, Zagreb: Disput, 2009, 280 str. u: *NOEMA: Časopis za društvenu i humanističku misao*, Banja Luka, 4, 2017, str. 127-131.
- Husnija Kamberović, *Džemal Bijedić – politička biografija*, Sarajevo: UMHS, 2017, 436 str. u: *Radovi (Historija, Historija umjetnosti, Arheologija)*, Filozofski fakultet u Sarajevu, 5, 2018, str. 369-373.
- Zbornik radova *POPLAVA, ZEMLJOTRES, SMOG: Prilozi ekohistoriji Bosne i Hercegovine 20. stoljeća*, Sarajevo: UMHS, 2017, 197 str. u: *Časopis Rostra*, Zadar, 2018, 9, 205-207.
- Zbornik radova *Jugoslavija u historijskoj perspektivi*, Helsinški odbor za ljudska prava u Srbiji, 2018. u: *Prilozi*, Sarajevo, br. 47, 2018, str. 321-325.
- Enver Ljubović, *Historijski i kulturološki identitet Cazina i Cazinske krajine do 1918. – historija i kultura Cazina i Cazinske krajine i neka prezimena*, Cazin: JU Kulturni Centar Cazin, 2018, 371 str. u: *Gračanički glasnik: Časopis za kulturnu historiju*, br. 47, god. XXIV, maj 2019.
- Zbornik radova *Historijski pogled na razvoj i položaj nacionalnih manjina u Sarajevu i Bosni i Hercegovini*, Sarajevo: UMHS, 2017, 243 str. u: *Časopis za suvremenu povijest*, Hrvatski institut za povijest, 2019. (rad je u štampi)

Pored navedenog, sudjelovala je u radu jedne studentske konferencije, jedne radionice, jednog seminara i jedne ljetne škole.

Kandidatkinja u biografiji navodi i da je pomagala prilikom održavanja jednog naučnog skupa i jedne promocije časopisa. Jedan je od osnivača ISHA Sarajevo. Od februara do decembra 2018. godine bila je honorarno zaposlena u EUROCLIO – HIP BiH kao projektni asistent na projektu „Alternativni kurikulum za historiju/istoriju/povijest u Bosni i Hercegovini – doprinos promoviranju humanizma u nastavi historije i suočavanju s bosanskohercegovačkim

kontroverzama". Od februara do juna 2019. godine predavala je historiju u JU OŠ „Čoralići“ u Cazinu.

Komisija je utvrdila da kandidatkinja ispunjava sve formalne uslove predviđene Konkursom za prijem u zvanje viši stručni saradnik za oblast moderne historije.

4. Dino Dupanović

Dino Dupanović je uz prijavu na Konkurs dostavio Izvod iz matične knjige rođenih (original), Uvjerenje o državljanstvu (original), diplomu o završenoj visokoj stručnoj spremi sa dodatkom diplomi/dokaz o prosjeku ocjena (ovjerene kopije), diplomu o završenom II ciklusu studija sa dodatkom diplomi/dokaz o prosjeku ocjena (ovjerene kopije), certifikat o poznavanju engleskog jezika (Upper-Intermediate Level) i ovjerenu kopiju indeksa sa doktorskog studija.

Na osnovu uvida u prijavu na Konkurs Komisija je konstatovala da je Dino Dupanović rođen 29. maja 1990. godine u Bihaću, Bosna i Hercegovina, i da je državljanin Bosne i Hercegovine. Prvi ciklus studija u trajanju od 6 semestara/tri godine završio je 12. septembra 2013. godine odbranom završnog rada „Afera Agrokomerc u novinama *Borba* i *Oslobodenje*“ na Filozofskom fakultetu Univerziteta u Sarajevu, Odsjek za historiju, studijska grupa Historija. Tokom prvog ciklusa studija stekao je 180 ECTS bodova, ostvario prosječnu ocjenu 7,74 i njegovim okončanjem stekao akademsku titulu i stručno zvanje bakaleurat/bachelor historije (BA). Drugi ciklus studija u trajanju od 4 semestra/2 godine završio je 29. septembra 2015. godine odbranom završnog magistarskog rada „Posljedice zemljotresa u Bosanskoj krajini 1969. godine“ na Filozofskom fakultetu Univerziteta u Sarajevu, Odsjek za historiju, studijska grupa Historija – nastavni smjer. Tokom drugog ciklusa studija stekao je 120 ECTS bodova, ostvario prosječnu ocjenu 8,13 i njegovim okončanjem stekao akademsku titulu i stručno zvanje magistar historije – nastavni smjer. Trenutno je student treće godine doktorskog studija iz Historije Bosne i Hercegovine u 19. i 20. stoljeću na Filozofskom fakultetu Univerziteta u Sarajevu.

Aktivno govori engleski jezik (Upper-Intermediate Level) i pasivno njemački jezik.

Kao dokaz svojih naučnoistraživačkih sposobnosti navodi da je do sada objavio tri (3) članka, dva (2) članka su u štampi i četiri (4) prikaza (od toga jedan u štampi), ali ne prilaže kopije objavljenih radova. Trenutno je angažiran kao jedan od saradnika na pisanju „Monografije Grada Bihaća“.

Članci:

- „Političke posljedice zemljotresa u Bosanskoj krajini 1969. godine“, u: *Arhivska praksa* 20, Tuzla, 2017.
- „Političke posljedice zemljotresa u Bosanskoj Krajini 1969. godine“ /druga dopunjena verzija/, u: *POPLAVA, ZEMLJOTRES SMOG: Prilozi ekohistoriji Bosne i Hercegovine 20. stoljeća*, Sarajevo: UMHIS, 2017.
- „Condition of archival material for the city of Bihac in the World War II with an emphasis on crimes: Bihac Krajina 1941-1942 in memory culture“, (rad u štampi u časopisu *Retrospektive*, Ljubljana).
- „Voda teče kako Zgonjanin reče – mjesto i uloga u Aferi Agrokomerc“, (rad u štampi, ali nije navedeno gdje će biti objavljen).
- „Pitanje statusa BiH (1914-1918) – Jugoslovensko pitanje u Mustafa Imamović – Historija Bošnjaka“, u: *Jugoslavija u historiografskim ogledalima*, Sarajevo: UMHIS, 2018.

Prikazi:

- Rasim Hurem, *Bosna i Hercegovina u Drugom svjetskom ratu 1941-1945*, u: *Radovi Filozofskog fakulteta u Sarajevu*, knjiga XXI, Sarajevo, 2018.
- Muhamed Nametak, *Bosanski trougao u crvenoj zvijezdi – kulturni tokovi i izgradnja „socijalističkog društva“ u Bosni i Hercegovini od 1945. do 1952.*, u: *Arhivska praksa* 21, knjiga 2, Tuzla, 2018.
- Ivica Šarac, *Kultura selektivnog sjećanja, Hrvati Hercegovine i Nezavisna Država Hrvatska*, Crkva na kamenu, Mostar, 2012, u: *Radovi Filozofskog fakulteta u Sarajevu (Historija. Historija umjetnosti, Arheologija)*, No. 6, Sarajevo, 2019.
- Zvonko Berković, *Vladko Maček – tri razgovora (s knezom Pavlom, Miroslavom Krležom i Alojzijem Stepincem)*, EPH Liber, Zagreb, 2009, u: *Časopis Slovo*, godina III / broj 4, Sarajevo, 2017.

Sudjelovao je u većem broju konferencija u organizaciji ISHA International, zatim u radu dvije doktorske radionice, jednom doktorskom seminaru, dvije konferencije „Historičari protiv revizionizma“ u organizaciji udruženja *KROKODIL*, i jednoj konferenciji u organizaciji „Friedrich Ebert Stiftung“. Kao student sudjelovao je u izradi Muzeja *Sarajevske pivare*.

Pored navedenog kandidat u biografiji navodi i da je jedan od osnivača Kluba studenata historije ISHA Sarajevo, te da je osnivač i predsjednik Udruženja historičara „Veritas historiae“ u Bihaću. Ima položen arhivistički ispit za zaštitu i obradu arhivske građe. Radio je u većem broju srednjih škola u Bihaću i Sarajevu, gdje i danas radi.

Komisija je utvrdila da kandidat nije ispunio sve formalne uslove predviđene Konkursom za prijem u zvanje viši stručni saradnik za oblast moderne historije. Zakonom o naučnoistraživačkoj djelatnosti (čl. 31, stav b) predviđeno je da je minimalni uslov za izbor u zvanje viši stručni saradnik ostvareni prosjek ocjena i na prvom i na drugom ciklusu studija od najmanje 8 ili 3,5. Kandidat je na prvom ciklusu studija ostvario prosječnu ocjenu 7,74, te njegova prijava nije uzeta u razmatranje prilikom izbora u zvanje viši stručni saradnik za oblast moderne historije.

PRIJEDLOG SA OBRAZLOŽENJEM

U pripremi prijedloga za izbor višeg stručnog saradnika za oblast moderne historije Komisija se rukovodila odredbama Zakona o naučnoistraživačkoj djelatnosti i Statuta Univerziteta u Sarajevu, te je uzela u obzir sve relevantne podatke o kandidatima rukovodeći se sljedećim kriterijima, navedenim prema prioritetima:

- Ispunjavanje formalnih uslova predviđenih zakonima
- Uspjeh tokom studija koji uključuje prosječnu ocjenu za svaki ciklus studija
- Pokazane naučnoistraživačke sposobnosti i sklonosti za oblast na koju se kandidat bira:
 - Broj objavljenih radova
 - Učešće na naučnim i studentskim konferencijama, radionicama, seminarima i sl.
 - Vještine i kompetencije koje dopunjavaju naučnoistraživačke sklonosti (poznavanje stranih jezika, ostale aktivnosti).

Rukovodeći se navedenim kriterijima Komisija je utvrdila sljedeće:

Prema kriteriju „Ispunjavanje formalnih uslova predviđenih zakonima“ tri prijavljena kandidata ispunjavaju sve formalne uslove predviđene Konkursom za prijem u zvanje viši stručni saradnik za oblast moderne historije – Ajdin Muhedinović, Armin Džunuzović i Saima Lojić-Duraković, dok kandidat Dino Dupanović nije ispunio jedan od uslova predviđenih Konkursom (nedovoljan prosjek ocjena na prvom ciklusu studija), te njegova prijava nije uzeta u dalje razmatranje.

Prema kriteriju „Uspjeh tokom studija koji uključuje prosječnu ocjenu sa svaki ciklus studija“ Komisija je utvrdila da se posebno ističu kandidati Ajdin Muhedinović (na prvom ciklusu 8,57 i na drugom ciklusu 9,29) i Armin Džunuzović (na prvom ciklusu 8,83 i na drugom ciklusu 9,04). Komisija je prednost po ovome kriteriju dodijelila kandidatu Ajdinu Muhedinoviću zbog većeg prosjeka ocjena ostvarenih na drugom ciklusu studija. Kandidatkinja Saima Lojić-Duraković ima nešto manji prosjek (na prvom ciklusu 8,16 i na drugom ciklusu 8,88).

Prema kriteriju „Pokazane naučnoistraživačke sposobnosti i sklonosti za oblast na koju se kandidat bira“, Komisija je najviše vrednovala broj objavljenih radova, zatim učešće na naučnim i stručnim konferencijama, radionicama, ljetnim školama i seminarima, poznavanje stranih jezika te na kraju učešće u drugim aktivnostima (promocije, tribine, predavanja, radionice, komisije i sl. koje su vezane za podučavanje historije itd.). Konkursom nije bilo naglašeno da je potrebno dostaviti kopije objavljenih radova, ali je jedan kandidat (Ajdin Muhedinović) dostavio kopije objavljenih radova i potvrdio da je jedan rad u štampi. Ipak, Komisija to nije smatrala propustom prijavljenih kandidata. Na osnovu navedenih kriterija Komisija je utvrdila da je kvantitativno najbolje rezultate u segmentu objavljenih radova i učešća na konferencijama i sl. postigla kandidatkinja Saima Lojić-Duraković sa objavljenim dva (2) članka i sedam (7) prikaza (od toga jedan u štampi), te učestvovao u radu jedne studentske konferencije, jedne radionice, jednog seminara i jedne ljetne škole. Sljedeći je kandidat Ajdin Muhedinović, koji je do sada objavio jedan (1) članak i četiri (4) prikaza (od toga jedan u štampi), te je učestvovao u radu jedne studentske konferencije, jedne doktorske radionice i jedne ljetne škole. Kandidat Armin Džunuzović do sada je objavio jedan (1) članak, te sudjelovao u radu dvije (2) studentske konferencije i jedne (1) stručne tribine. Analizirajući vještine i kompetencije koje dopunjavaju naučnoistraživačke sklonosti Komisija je utvrdila da najbolje reference posjeduje kandidat Ajdin Muhedinović, koji aktivno govori njemački i engleski jezik. Kandidat Armin Džunuzović aktivno govori engleski jezik, te posjeduje osnovni nivo znanja francuskog jezika, a kandidatkinja Saima Lojić-Duraković se služi engleskim jezikom i poznaje osnove turskog jezika. Ostale aktivnosti prijavljenih kandidata Komisija je uzela u razmatranje, ali oni nisu promijenili rangiranje kandidata po ovom kriteriju

Imajući u vidu gore navedene činjenice, Komisija jednoglasno zaključuje da je najbolji kandidat za izbor u zvanje viši stručni saradnik za oblast moderne historije Ajdin Muhedinović, MA, rođen 18. novembra 1994. godine u Baden-Badenu, Njemačka. Ajdin Muhedinović se, pored ispunjavanja formalnih uslova predviđenih zakonom, u odnosu na druge kandidate ističe postignutim prosjekom ocjena na prvom (8,57) i drugom ciklusu (9,29) studija, sa posebnim


naglaskom na ostvareni prosjek ocjena na drugom ciklusu studija na kojem studenti, između ostaloga, svojim radom pokazuju i sklonosti prema naučnoistraživačkom radu. Tokom drugog ciklusa studija Ajdin Muhedinović je svoje sklonosti i zavidne naučnoistraživačke sposobnosti pokazao i objavljivanjem jednog (1) članka i četiri (4) prikaza (od toga jedan je u štampi), te učešćem u radu jedne studentske konferencije, jedne doktorske radionice i jedne ljetne škole, što je Komisija konstatovala uvidom u dostavljene radove. Također, u odnosu na druge kandidate Ajdin Muhedinović se ističe i aktivnim poznavanjem dva svjetska jezika (njemačkog i engleskog), što predstavlja značajnu dopunu vještina i kompetencija neophodnih za valjano bavljenje poslovima i zadacima predviđenih za poziciju na koju je kandidat bira.

Komisija sa zadovoljstvom predlaže Vijeću Instituta za historiju da prihvati pozitivan Izvještaj ove komisije i predloži Senatu Univerziteta u Sarajevu da se Ajdin Muhedinović, MA, izabere u zvanje viši stručni saradnik za oblast moderne historije na Institutu za historiju Univerziteta u Sarajevu.


U Sarajevu, 4. oktobar 2019. godine

Komisija:

Dr. Enes Omerović (predsjednik)



Dr. Dženita Rujanac (član)



Doc. dr. Amir Duranović (član)

